

谷簾先生遺書

谷簾先生遺書卷之六

邑後學秦立與參氏編次

鶴鳴集下

爲學務須堅貞。真諦認不得。真諦卽稍有所得。終不臻大悟大覺。認得真諦。尙須堅定。無紛營。無揉襍。斯爲堅定。旣堅旣定。或有閒斷。優非純一。詩稱文王之德。曰純曰緝。無閒斷也。其要在有恆。易稱恆其德貞。又曰不恆其德。或承之羞。不恆則爲山九仞。功虧一簣。往往而有。安能無閒斷。所謂真諦者何。性命之學是

也。人之性命賦于天。一入塵緣。便多汨沒。不從此苦
修一番。以求復天之所賦。豈不虛過一生。今與爾等
約。爲學不在遠求。各就本業中求真諦。只在一心不
放。他。禿。向。別。路。上。事。事。根。由。至。理。做。去。便。與。道。日。近。
與。俗。日。遠。積。久。有。得。由。恆。幾。純。亦。非。難。事。各。勉。旃。
人。惟。命。數。二。字。最。不。可。逃。與。數。對。待。者。有。理。理。有。常。數。
無。常。聖。賢。論。理。不。論。數。能。知。命。俟。命。安。命。故。庸。衆。反。
命。逆。命。抗。命。之。所。爲。皆。所。不。取。然。所。謂。知。命。俟。命。安。
命。者。亦。惟。順。受。其。正。耳。非。曰。吾。有。命。在。可。任。意。行。之。

也盜。蹠之暴而壽。顏子之仁而夭。命也。理不得而強也。蹠雖壽。壽其身而不能壽其名。回雖夭。夭其身而不能夭其名。理也。命不得而奪也。使身在而人人詬病。則生不如死。使身沒而人人歸美。則雖死猶生。陋巷簞瓢。伊人宛在。圍匡過宋。君子固窮。夫亦以無常者聽之。命數而以有常者。循乎天理可矣。

求道在日用行常做起。日用行常。百事叢集。在孝弟忠信做起。孝弟忠信。從性得來。人人都有。只因氣拘物蔽。汨沒過去。如明月爲雲霧所掩。明鏡爲塵垢所蒙。

所以去道日遠。雲霧有時散。明月仍明。塵垢有時磨。明鏡仍明。人心獨一。暗不復明。何也。一則汨於其中。迷不知返。一則牽於其私。柔不能克也。子等氣質清明。不患不知返。只患不能克。各從我言。向自家身心上刻勵一番。便當有改觀氣象。

示某曰。養子而使成籠中鳥。不善教子者也。何則。鳥本飛也。猶人自具智識才力也。智識才力雖具。而爲善爲惡未定。因而閉諸內室。絕其外緣。如真鳥籠中。以爲不復飛去。噫。有籠時鳥固不能飛。無籠時鳥獨不

能飛乎。教子弟在養其心。導其志。使在外從羣。而在內有主。方是不太良禽。性成君子。否則束縛防閑。終有一朝踰軼時也。

儒者爲學。學聖賢實地處。道家宗清淨。釋氏尙虛無。皆是道中一條平正大路。卻須從聖賢之學入手。方有把握。今學者畏難趨易。不學聖賢。妄求仙佛。究之聖學不明。仙佛兩家亦終無入門處。聖學在何處。曰居敬。曰窮理。曰閑邪。曰存誠。其道備載六經四子書中。各潛心求之可也。

學問在求放心。求放心在習靜。習靜之法當默坐時。心有所動。卽看其動向。那處隨看。隨定。心有所怒。卽看其怒。從何起。隨看。隨平。心有所鬱。卽看其鬱。本何因。隨看。隨解。心有所欲。卽看其欲。從何來。隨看。隨消。人心知覺。半由天性。半由習染。天性中之知覺。越看越靈明。習染中之知覺。愈多愈汨沒。以真知覺照偽知覺。偽者逐漸消釋。真者逐漸凝定矣。

天地之道。萬有并包。而渾然一氣。不能剖晰羣狀。賴有日月處其中。人身一小天地。而塊然七尺。不能洞澈。

衆理。賴有心處。其中。天地以氣爲體。日月爲用。人以
骨肉爲體。心爲用。日月有晦塞。移時復明。人心有薰
染。積久愈蒙。能隨蒙隨埽。隨埽隨淨。假與日月同明。
今人之心。有晦蒙。一時而不覺。錮蔽終身而不悟者。
叩其平日。觀人察物。比長絜短。細小瑣屑處。未嘗不
明。而於自家身子喫緊之事。白首茫如。何其明於人
而昧于己。明于小而昧于大。與其明者。本根偶露之
靈機。其昧者。入世以來。所染之垢汗也。大學曰。皆自
明。中庸曰。極高明。皆從自家磨洗蕩滌得來。故入道。

必自明心始。

人何所學。學聖人也。聖何由學。先學程朱。程朱何學。學孔孟也。孔孟何學。學堯舜也。堯舜之道。何由而入。書曰。人心唯危。道心唯微。唯精唯一。允執厥中。能于微處入手。則危者皆安。然必至精至一。而後可守。至精至一。一道在守中。所守不中。路頭一差。毫釐千里。守中之法。務先知中。知中之法。內以治心。外以治躬。禮經首曰。毋不敬。所以治躬也。詩教總曰。思無邪。所以治心也。兼是行之。動靜語默。皆歸性道。於學聖乎。何有。

世言爲人之道。處世爲難。處今世尤難。何者。人情叵測。故也。不知理不逾乎本分。事不離乎真實。循我本分。眞眞實實做去。雖有無妄之加。不能破眞實之理。金石不言而人信之者。惟其誠也。誠無不格。豚魚信及。何況於人。總之心求淡。身求正。淡則事事可安。正則念念不違。便有入道得力處也。

文章特入世之梯航。成名之門徑。於斯道未有所與。願諸生好學深思。因文以見道也。見道在窮理。入道在立志。立志之法。於志未定時。求振卓二字。於志既定。

時。求。持。守。二。字。務。使。讀。書。所。得。返。諸。躬。行。竭。力。悉。向。這。條。路。上。去。如。爲。子。宜。孝。則。求。古。孝。子。之。事。身。體。而。力。行。之。爲。臣。宜。忠。則。求。古。忠。臣。之。事。身。體。而。力。行。之。志。以。帥。氣。行。以。踐。文。視。文。章。之。士。個。乎。遠。矣。

示某曰。知爾邇日力求身心性命之學。靜嘿其言。馴謹其行。晝所爲而夜書之。外有失而內訟之。極是進境。但克治身心。須一刻不閒斷。一事不放鬆。無取飾於外觀。而稍加裝點。無自寬於內省。而偶涉怠荒。從已能處。求精密。從未能處。求變化。守顏四勿。學會三省。

白抵千金。心捫五夜。於爾有厚望焉。

道有實行。其教必自童蒙始。智識方啟。可善可惡。教之無素。後必難治。世間不少聰明子弟。皆以父師諭教不立。其上者不過成文章之士。而其下者遂以汙下終其身。良可嘆也。唯於日用行習間。教之本真。使知一言一動。父師可欺。而神明不可欺。神明可欺。而此心不可欺。戒慎恐懼。不敢偶忘。則養正有基。所以變化其氣質。和順於道德者。他日必有所成就焉。

少年子弟。須常守專靜二字。何謂專。功無泛濫之謂專。

何謂靜心無馳騫之謂靜。文業長進在此。道心堅定亦在此。

今日是花朝。人生有朝。花生亦有朝。年年歲歲花相似。歲歲年年人不同。可勝悼嘆。究之花有開落。人有死生。人知花落能再開。人死不復生。不知人有一生永。不死之道。花無一開永不落之理。即使今歲此花。千年萬歲長此花。已更千萬開落。即更千萬死生。其爲法華輪轉者多矣。人則不然。稟乾坤之正氣。受聖賢之正教。參天地贊化育。爲君則堯舜。爲臣則伊周。

爲師則孔孟皆以七尺軀幹。撐拄兩間。天地萬古不
息。數聖亦萬古不死。此人之所以異於物也。大聖不
世出。蚩蚩羣族。百年蟬蛻。奈何曰。此亦有可不死者
也。木槿之華。朝榮夕萎。松柏之姿。經冬彌茂。花木如
是人亦宜然。既謂之人。當識人字。凡世俗中。聲華馳
騫之事。人而物者也。吾道中。清苦淡漠之事。人而天
者也。人而物。去禽獸不遠。人而天。去聖賢不遠。聖賢
全其天者也。能學聖賢。不失其天。我性我命。卽天性
天命。天之性命。長存我之性命。自永朝聞夕死。形亾。

神存復何蜉蝣之患哉。其脩之之道奈何。忠信以立其幹。仁恕以致其用。範之詩書禮樂。施之父子君臣。常惺惺於心。無憧憧於物。如是則體備。體備則成人。德行播於當時。聲聞傳於後世。空谷猗蘭。久而彌芳。無言桃李。遠而彌馨。其視蚩蚩羣族。若花木之爭榮。芩且暮閒者。奚翅朝菌之與大椿也。予故因花朝爲諸生一勉焉。

人世富貴之福易享。清閒之福難享。富貴者百憂煎其心。萬事勞其形。人見有宮室車馬衣服玩好之樂。不

知其方寸閒。懼禍避害。日夜靡寧。故其享之也勞。而天之責之也輕。清閒者不然。俯仰身世。非有萬鍾之富。而饘粥不缺於供。非有三公之貴。而僇辱不及其身。逍遙巖壑。偃仰琴書。外無菀枯之迹。內無憂懼之心。故其享之也逸。而天之責之也重。富貴者無所建樹。以裨益斯民。謂之負天。清閒者無所成就。以仰荅大造。謂之棄天。負天者。天得而罪之。棄天者。天并不屑罪之。有如蜉蝣蟪蛄。聽其朝暮。生死於泉壤中耳矣。然則清閒者當如何。曰閒而不敢自閒。古稱文王

不自暇逸。周公朝讀書百篇。暮見七十士。又稱孔席不暇暖。墨突不得黔。誠念天所以付畀者重也。不是之務。而徒以優游無事之身。因循終老。嗟乎。此身不足惜。脩名不足愛。獨不念天地父母所以生我之意乎。是亦弗思耳矣。且負天者。猶或可藉辭立朝。伴食不日。時難爲也。則曰。吾君不能用吾言也。猶以爲權在人。也。棄天者。逸居惰窳。此身可脩而不脩。此心可正而不正。不得曰。權在人。也。故無言可諉也。總之。清閒時。能不爲食粟之徒。斯富貴時。自不爲素餐之計。

此實理之相及者耳。

人事難知。反覆不定。君子履常。恆自脩省。得喪窮通。是
曰有命。小人反之。廼生微倖。雖有所得。終入陷阱。願
爾諸子。懷我好音。祗諸惑志。發大信心。視我誨爾。抵
玉與金。理不解結。鼓無絃琴。永朝永夕。守爾丹忱。俯
視利名。電光草露。千駟奚加。三公奚慕。率爾典常。誦
爾墳素。以爾餘閒。與予良晤。靜聽鸞音。珊瑚玉樹。
人生世閒。所以須名位者。將憑是以立功德。致君澤
民。而非爲富貴逸樂計也。爾等目前。未免作此寂寂。

就予看來。安知非造物玉成之意。古人學問德業。大半從困頓抑鬱中磨礪得來。爾等春秋方富。及此時研覃經史。務爲明體達用之學。他日得志乘時。不至束手無策。便是眼前磨礪之功。卽或命不可知。終身弗遇。日與二三知己。譚道論文。入有琴書之樂。出無樵爨之嘲。守仲長統樂志之論。領嵇叔夜養生之旨。亦足俯仰一世。自舒懷抱。所謂得志與民由之。不得志獨行其道。聖賢出處。所以無入不自得者。正在此爾。

節過天中時交長至。陽氣漸消。陰氣漸長。凡吾同人。各宜靜養真神。厚培元氣。思所以扶陽抑陰。脩身立命。方得道中要旨。世人不察。逐逐聲色貨利。閒機械。變詐無所不爲。且自以爲精明強果。而不知其非。嗟嗟。若輩生爲陷溺之徒。死爲漸滅之鬼。靜言思之。良可嘆也。

吾道本淡寂逍遙。平夷無事。而一入世緣。便多荆棘。須知人唯一心。心入於無爲。則荆棘盡化爲康莊。心有所妄營。則康莊亦皆有荆棘。子等自今日始。閉戶讀

書除衣食外皆作非分看。卽衣食之事除凍餒外亦皆作非分看。積久有得并凍餒中有詩書旨味。饜飮其中卽凍餒亦皆作非分看。在在有真樂。在在得坦途。世風飄蕩何與焉。

求學在心。養心惟靜。習靜須嘿。守嘿由淡淡。能寡欲。淡能寡營。寡欲寡營。心不妄動。盡性至命之學。卽由此可入。子等獨居時。寸衷擾襟。應事時。手足忙遽。朋友酬酢。詩酒戲游。神氣耗敝。心性汨亂。虛靈本體。反覆牴亾。願以子言急自省焉。

士人閉清靜門。讀聳身書。接沉潛友。作切磋言。偃日有所益。須知世閒非我固有之物。皆屬魔境。非我本然之樂。皆屬魔趣。何謂固有之物。倫常之理是也。何謂本然之樂。性天之趣是也。捨性天之趣。而逐虛假之緣。身本幻物。而作幻想。幻益生幻。萬魔滋擾。夢寐不安。何苦而爲此。子等務求真樂。毋使幻中之樂。鼓弄此心。則近道矣。

示某曰。學問之道。以變化氣質爲先。汝氣質剛方處多。圓和處少。與世相涉。純是格不相入氣象。更無些子。

融脫意得益在此。受病亦在此。汝其知乎哉。花放水
流。無非妙相。鳶飛魚躍。盡是化機。佛氏言無罣礙。儒
家言無適莫。其旨一也。能於此參之。方有灑落自得
處。

又示某曰。汝天性高明。德心堅實。道中楨榦也。今有一
言贈汝。老氏有言。知其白。守其黑。乃爲天下式。事物
之來。澄觀嘿照之足矣。必以察察爲明。究非所宜。是
以老氏又言。君子盛德。容貌若愚。而孔子亦以不逆
不億先覺爲賢也。又汝留心時事。極有見地。惜哉時

不遇。迺溷塵俗閒。未蒙宣室問。終日作空言。空言無
補。汝宜慎之。汝讀史有年。獨未聞郭有道。徐孺子之
流風乎。方漢室黨綱之興。士大夫持清議。談朝章者。
皆身罹其害。雖爲小人傾陷。亦未始非伊戚自貽。其
後唐清流。宋黨人。覆轍相循。古今同慨。如郭徐二子。
超然物外。有似雲中之鶴。不可網羅。真百世之師也。
厲階宜慎。幸識吾言。

讀書爲明理。不爲功名。今之學者。未嘗積功。輒思求名。
何惑也。夫功公者也。名私者也。存公心。不存私見。則

名以功而成。功實者也。名虛者也。務實際。不務虛境。則功以名而顯。總之名至私亦至公。無實而有虛聲。是爲盜名。名於是日盛。功於是日衰。名至虛亦至實。有實而得令聞。是爲享名。名於是日增。功於是日減。二者虛實雖異。其爲造物所忌。同也。讀書患不得名。最是學者大病。知其病而去之。功成名亦立矣。

佇我鸞兮城之隈。來丈室兮永綢繆。鑪香引兮茶薺俱。及諸子兮同淹留。撫今昔兮陳歎懷。嗟我心兮多煩憂。憂憂何來兮何自去。願我徒兮證清修。證清修兮於

何極求之六經四子兮闡其幽百行端兮五品立思
古人兮俛無訛庶幾百年而歸真兮游閭闔而登瑤
樓瑤樓高兮閭闔遠凌雲上兮渺無儔視彼溷擾紅
塵之離離兮奚翅鸞鳳之自舞與貳負之自囚言及
此兮心夷悅不覺萬象空兮豁我眸顧森森之玉筍
兮彌蹕厲兮夷猶惟予懷之惓惓兮羌欲往而仍留
且斯須兮延佇聊徜徉兮茲邱覽義馭之漸西兮聽
長風之颼颼願言逝兮還我素駕我騏兮乘我騶指
雲霄而聳杖兮於塵壒兮焉求維一言之持贈兮人

爵美復美不如天爵之還自修。

歲儉時艱窮民無告。號飢號寒。所在多有。我輩學道人。鍵戶潛脩。外閒事儘可弗問。而當此之時。自應推惻隱之心。以圖補救於萬一。飽食煖衣坐視人之飢寒。曰此非吾分內事也。仁人君子當不忍出此言也。昔後漢何敞嘗以節省浮靡賑恤窮孤爲宋由告。極是仁人君子之用心。節省浮靡日計不足。歲計有餘。以歲之所有餘助心之所不足。多做一件利益事。卽多增一件福德事。爲善以成。父母令名積德以貽子孫。

餘澤。其在此時焉。

古稱爲善最樂。又稱爲善無不報。不於其身。必於其子孫。報在天。不在人人。不必設是心。而天未嘗爽此理。世之不信此理者。放利而行。錐刀必爭。利已損人。毫無顧忌。叩其故曰。吾爲子孫業也。及至子孫挾其所遺。逞其所好。少年結客之場。無所不至。無所不爲。不以此夭折其身。卽以囊資罄盡。不能自存。入於下流。玷辱家門。爲世戮笑。至是而問其所爲。子孫業者果安在也。夫不以仁義貽子孫。而徒以貨財貽子孫。使

之速取敗。凶。是不惟無以厚其生。并且爲之戕其身也。夫爲人祖父。至戕賊其子孫。而不寤。豈不痛哉。普告世人。與其以萬貫貽子孫。毋寧以萬貫易萬善。以貽子孫。使子孫賢。併此萬善擴而充之。可以益繇世。澤子孫不賢。亦可以此培植根源。不至一轉瞬閒。過而爲墟。况以善貽子孫。子孫必無不賢者也。嗚呼。爲人祖父。皆欲長保其子孫。爲人子孫。皆欲寵榮其祖父。而必祖父能貽德於子孫。斯子孫可報恩於祖父。願知道者。其味我言焉。

寒威初緊。歲事將闌。塵區擾擾。瑣屑米鹽。有生之累。亦何可言。子等俯仰優閒。正宜默課潛修。懋勉弗懈。戒酣豢庸庸之過。求聖賢屹屹之功。雖逸勿逸。雖休勿休。方不負父母生我之恩。天地厚我之德。否則捫心清夜。何以自安。又古人仁心爲質。必推己之所有。餘以補人之所不足。使鄰里孤窮。均沾德澤。先儒有言。富貴而不脩德。是以爵祿貨財禍其身也。富貴其子孫。而不爲善。是眞子孫於賤辱之阱。爭奪之區。而不顧也。願吾黨一省此言焉。

爲善有數端。一以言立。一以力勝。一以隱處見功。一以明處表式。以善勸人。使人改過遷善。以言立者也。以善濟人。爲己脩福積德。以力勝者也。爲善不求人知。不祈神佑。隱處見功者也。爲善自我啟之。與人同之。明處表式者也。四者不同。同歸於善。要其所以。唯求其實。人有內無善心。而外飾善事。以沽名者。其人與作無量惡者等。不可不戒。噫。人生在世。苟處豐衣足食之時。自應作利物濟人之事。試問新息侯所訶守錢虜。求田問舍。時時作子孫計者。果能庇蔭其子孫。

乎哉。夫亦弗思耳矣。

人以天爲天。物以人爲天。以天爲天。天主生殺之權。以人爲天。人亦主死生之柄。世人好殺。以物命供口腹之奉。甚至一飯而戕千百命。何其慘。與人與物不過靈蠢之別。殺人律必死。殺衆物以自奉。是何居心。天地閒劫運之來。皆由貪殺積數。百年天下。殺生之報迫而成。兵戈人自不及知耳。宣聖賜生必畜。禮經無故不殺。讀書人皆知之。而猶或以多殺自奉。何其慘與。願知道士減損口腹之奉。爲物命稍留有餘。卽不

得已而用之。亦當無恻隱之心。則幸甚矣。

驕陽赫若。旱魃爲災。子等其有憂乎。秦誓有言。天視自我民視。天聽自我民聽。維天視聽。卽寄在民。降祥降殃。皆由此起。當其盛而禾黍豐登。人民壽考。及其衰而飢饉薦臻。生靈憔悴。其天意與。皆人事也。方今官左士替。民風瀆益。澆薄積而成災。挽救之方。良非易易。雖然。民彝具在。天鑒匪遠。士爲四民之首。實能上振官方。下移民俗。爲上下開關鍵。誠遇災知懼。側身修行。守爾四維。慎爾百行。保爾五德。閑爾七情。事事

如臨太祖時時如對神明戰兢臨履戒懼覩聞卽聖
人所謂某之禱久矣者夫亦何難自信果能自信在
一國可弭一國之戾在一鄉可弭一鄉之戾在一家
可弭一家之戾人人如此海內之氣清和咸理天災
不作物珍不興尙何水旱癘疫之足憂否則將如獲
罪於天何惟是此事在平日潛脩非臨時猝辦諸子
於平日或有未至而欲臨時禱祈求效書稱誠感孟
言齋戒一念之誠聖賢所許卽上帝好生之心未必
不可感動夫亦心誠求之可矣

道念無常。皆由自積。道之所推愈廣。卽善之所積愈廣。唯積念有真不真。故積善有報不報。僕嘗見積善之家。有食報遠者。有食報近者。有并無所爲報者。因質諸我師。師曰。論善而以報不報爲言。非真爲善者也。而觀於善之報不報。亦可知念之真不真。大抵有所報者。其爲善時。不望報者也。無所報者。其爲善時。卽望其報者也。僕唯唯。敢爲諸君述焉。

谷簾先生遺書卷之六

谷簾先生遺書卷之七

邑後學秦立與參氏編次

拈花錄

淵既從伯氏暨同社諸君子取 歷師尊諭言有
禪身心性命之學者彙爲鶴鳴集矣同邑各壇中
兼有精修二氏者或守元關或參禪乘 歷師尊
卽各以其性之所近而示之以斯道之歸淵乎備
哉 歷師尊之教也茲復錄其粹者釐爲二卷一
曰拈花錄一曰玉版錄大旨悉與我儒相表裏學

者觀其會通皆可。有得慎勿以譚空覈元歧視之。
焉。嘉定黃淵耀謹識。

命在天。性由命。盡其性。養惟正。知其命。天德全。純所守。
謹所庸。福日積。慧日光。佛無聖。心無佛。卽佛性。卽聖。
心。廓然覺。洞然元。斯真覺。斯真元。覺非覺。元非元。乃。
自在。乃如來。

我本無我。念我爲誰。爾亦非爾。爾念又誰。無爾無我。誰。
念念誰。念無所念。日月台璧。無爾無我。天地合德。爾。
我俱空。廓然無佛。念相俱融。一超直入。

天上有天。一指破空地。下無地。一腳到底。天中有人。身
爲道本。身中有心。神爲德樞。惟心存性。惟性存神。吾
願諸子。以心奉真。知爲道母。慈爲德水。厚爲福基。善
爲生途。守此真脩。便是極樂世界。

有。法。悟。無。法。無。法。悟。有。法。念。念。諸。有。佛。往。生。極。樂。國。眼
前。生。衆。念。佛。人。本。是。祇。園。佛。弟。子。脫。落。紅。塵。未。離。苦
趣。念。爾。皈。依。有。素。不。失。本。來。我。佛。慈。悲。廣。行。方。便。開
覺。路。門。接。引。衆。生。法。衆。有。情。除。三。業。六。根。參。最。上。乘。
永。證。菩。提。妙。果。

破除業障。斬絕塵根。丸丸紅日照我眞身。般若。有臺波羅。有岸。一空萬緣。回頭。便是。

人心圓月。高朗清明。靜求自在。虛空蓮生。道以誠入。德以默得。趺坐蒲團。萬緣寂滅。天地同寧。杳冥莫測。告爾衆生。蓮臺共列。

佛在於心。心皆是佛。卽佛卽心。非心非佛。佛佛是心。心心是佛。佛融於心。心融於佛。佛與心隔。心與佛隔。不知有心。何知有佛。卽佛求心。卽心求佛。心乃眞心。佛乃眞佛。佛通衆心。心通衆佛。

大道無邊。總歸有覺。佛覺也。覺心也。能心佛之心。纔能
覺佛之覺。能覺佛之覺。纔能心佛之心。完得一箇心。
成得一箇佛。法衆有情者。時時捫著爾心。卽時時見
得我佛。

佛法無邊。覺岸是邊。佛法無量。德水是量。佛門皆空。善
航非空。佛門無色。蓮花是色。生衆且去。乘爾航。采爾
蓮。傍著岸。通著水也。渾著爾千般花樣。憑我佛瞿曇
花現。只算爾一箇嬰孩。道不得爾西清大道。

修修修。竺國同游。空空空。指引瀛東。佛佛佛。方寸太極。

無無無。意契真如。修修修。於意云何。修身修。命修真。
空空空。於意云何。空空空。相空神。無無無。於意云何。
無人無。我無人。我佛佛。佛於意云何。一佛二佛三四
五佛。

雨遍三千界。金開丈六光。龍華勝會啟。稽首禮空王。
佛家說蓮花。生衆知蓮花。何處開乎。不在地。不在水。
人有覺心。卽有蓮蕊。日淖汗泥。其蕊斯萎。能開之者。
是在大慧。大慧旣得。兼須沍雨。大慧以開之。沍雨以
培之。漸漸到滋潤地。漸漸到光明相。生衆能否。唵白。

日青天那不見蓮花一瓣麼。

金圈罩去佛引善士優夷寶杵提來。我卻邪魔外道。爾等身墮凡間。心皈我佛。不可貪嗔癡。莫忘戒定慧。蓮池是方寸之池。竺國乃歸身之國。福海滔滔。慈航來往。把準了航上的舵。才許爾直往西池。采取一朵蓮花也。呸。世間都是人。非人道。什麼瞿曇蓮現。

萬道香光。在心七竅。竅生光明。普照十方。是爲眞知。是爲眞慧。凡汝見者。識神盜其靈。欲相迷其覺。覺靈旣塞。眞有盡失。與動隨動。混茫濁沙業波。無極生衆乘。

良因撥開塵翳。認我真宰。莫差莫差。

性界虛和。汰塵清淨。瑞蓮五色。涌壇庭。玉女金童齊進。
散天花。玻璃階淨。彈指間。鳥語迦陵清穎。聽當頭一
聲鐘磬。爲甚我來時。橫眉豎眼。未見一箇兒。中心寧
靜。佛力宏大。佛汰慈悲。世多盲漢。何時度已。我菩
薩垂慈救苦。一念之善。頓超十地。蓮臺非遠。回頭便
是。咦。看紛紛者。幾時能定。到那間。葉落歸空。撒著手
磕入黑山下。何處說苦也。

凌空飛錫來。鶴背風吹響。念爾念佛人。與爾當頭棒。

今日是何日。我佛誕日也。法衆在此。台學念佛。既知此日。應念這一聲佛。却不知平日亦應念這一聲佛。嘻。弗思耳矣。我佛慈悲。長示皈投妙諦。千言萬語。那一句是僞本分事。幸各自求之。

光華心性。元寂道宗。不礙無著。大覺羣蒙。匪守寂滅。墮黜明聰。西方聖人。道徹高穹。智慧照耀。根觀虛空。諸所有。罔不昭融。楞嚴圓覺。丕振宗風。達摩面壁。黑振虛靈。迦葉微笑。迺會厥心。後世味之。三乘紛營。要其義諦。維空故明。塵世膠擾。蝸角分爭。人於其間。明

而不平。明實無益。唯覺可思。心游解脫。無情物私。常
樂我靜。退入無爲。此卽是佛。德遍四陲。有生復爾。應
化漢時。祭廼施教。輔掖顛危。是以大學明明。德三教
皆由茲。

無我相。無人相。無是非相。無榮落相。無色相。無空相。相
相。一空萬相。不知相。空空空。萬相一空。不知空。浩
然大塊。吾自存。何論得喪。與窮通。請君看取菩提樹。
長留萬古青蒙籠。

諸相非相。諸色非色。不空之空中。有我佛。普泛慈航。周

流八極。唯善信人。迺其引汲。敬告我徒。無知無識。靜持一心。妙通衆職。五觀六根。各物其物。善果圓成。同游佛國。法衆領斯旨。以往他日。當見我菩薩蓮座下也。

佛在何處。在人心。中心在何處。在人身。身在何處。在天地中。中在何處。在無無中。無是何物。廓然洞然。寂然寂然。不可得而名。我以名我心。人心不同。而其心中之心。無不同。心中之心。卽天地本有之心。吾佛應化之心。名之曰心。而心不可見。名之曰佛。而佛之感。

應不測。隨呼而至。卽心卽佛。卽心卽道。卽心卽天。天
在。心中。佛亦在。心中。佛者心之強名也。淨土者心無
微塵之謂也。天人合契。上下同元。安有天人之界。安
有凡夫佛子之名。一念到底。萬緣永斷。鐵樹花開。春
秋不紀。這時候纔可見我佛。噴雪山。山下月明。時山
上梅開。正夜半。呖雪落。紅爐廓然。無朕不令人立腳。
到那裏去也。大衆有何說法。鐵牛觸倒。須彌上任爾。
駕海擒龍毒漢。到面前一棒打殺也呵。

天下之理。眼前卽是。余從海上來。師問余口何所見。余

曰見白鷗一隻。師曰作何處實。余曰化去紅鷗。便是白。師曰唯生衆其參之。師曰此偈須作十日思。言紅不言紅。言白不言白。是鷗非是鷗。是見非是見。會得箇中旨。當頭雲一點。

南無阿彌陀佛。一天花雨。萬里香雲。翩翩青鳥。來展此間。眼前多少念佛人。須知我佛之宗門。我佛度世空色相。長持正覺見性真。三千大千世界遠。白毫光中。荷陶甄。楞嚴圓覺宣。此義正法眼。藏歸金經。眼前多少念佛人。各各了悟超法輪。但將六字求諦要。不須

三乘勞紛營。老僧得力盡在斯。敢告眼前念佛人。誰與拈花開笑口。他日毘羅頂上行。

生衆知佛乎。夫佛覺也。自覺覺他。覺行圓滿之謂佛。維能自覺。迺能覺他。其功不越一心。其心不越一空。空凡心以證覺心。大圓滿相。大光明藏。俱從此起。與聖人先覺覺後覺義諦。初無異同。生衆從儒諦參佛乘。出迷津。登覺岸。悉於此基之矣。

子生前日誦金言十萬餘聲。得明正教。妙發淨業。蒙本師金臂垂慈。接引西歸。將平時意想識見。一并消融。

於四大獨存。此不壞真身。往游樂國。君等生遇明師。得知來去路頭。大是幸事。須知衆先達所以教人念佛。精進脩持者。實緣塵世中人。富貴利達。不過數十年。事到得眼光墮地時。方悟脩持。急抱佛脚。已屬無及。故爲設淨土一法。以度之。淨土者。何方。寸是也。蓮花者。何一點。真光是也。人生具有西乾竺國。應念卽至。君等從此結念。真實做去。異日把臂祇林。不虛此來一段大因由矣。

生衆知吾道宗旨否。吾道卽汝道。叮咛可盡了。千古兩

聖人兀立。東西表見性。而明心。此旨非元妙。凡我清修子。務自除煩惱。六根得淨除。三乘悉分曉。他年證菩提。遲君五雲島。生衆味斯宗旨。百尺竿頭。當有進步也。

合掌低眉露性情。如如不動獨稱尊。飛雲歷遍三千界。說法須尋不二門。說著性。須知養。說著心。須知存。仙佛二門。與聖無分。抱一守中。廼見本真。神光擁護。與天常存。

無相無非相。無色無非色。是非相。卽是相。是非色。卽是

色。今。我。來。此。不。受。持。一。空。相。相。與。色。色。若。非。我。相。卽。非。我。色。若。非。我。色。卽。非。我。相。諸。相。諸。色。我。能。空。我。空。諸。相。與。諸。色。所。謂。相。相。我。相。所。謂。色。色。我。色。我。無。智。慧。我。空。智。慧。我。無。是。非。我。空。是。非。令。子。無。智。慧。無。是。非。智。慧。是。非。空。如。水。我。無。見。聞。來。授。子。授。子。一。滴。楊。枝。水。

大。道。本。虛。空。無。人。亦。無。我。靈。臺。寂。寂。中。不。可。纖。塵。破。
人。生。世。間。萬。緣。皆。空。唯。空。所。有。能。實。所。無。楞。嚴。有。言。
攝。心。生。戒。因。戒。生。靜。因。靜。生。定。因。定。生。慧。是。謂。三。無。

漏。靜。定。慧。自。戒。入。戒。自。攝。入。何。謂。攝。返。空。坐。照。之。謂。
攝。此。菩。薩。第。一。義。諦。卽。學。佛。第。一。門。徑。爾。等。以。此。言。
作。總。論。便。有。頭。頭。是。道。處。便。無。格。格。不。相。入。處。

拍。手。歌。來。香。雲。縹。緲。鸞。鶴。和。鳴。眞。然。物。表。緬。彼。寰。區。紅。
塵。擾。擾。如。鳥。在。籠。如。魚。失。沼。嗟。爾。衆。生。云。何。煩。惱。老。
僧。西。來。視。物。皆。小。萬。緣。雖。多。一。偈。可。了。請。轉。華。嚴。同。
參。元。奧。水。月。松。風。琪。花。瑤。艸。盡。在。眼。前。不。須。締。造。會。
悟。得。時。拈。花。一。笑。

爾等懺除塵垢。勤修淨業。須知業卽人之所妄想。懺除

垢汗則意無妄而業自淨。人言淨土爲極樂國。不知方寸中人人有此淨土。人言地獄具種種苦惱。不知方寸中人人有此地獄。能淨此業。人人方寸中皆極樂國也。人謂我道寂滅極淡無味。不知寂滅中正有極大富貴壽祿存其間。故極淡極旨。妄爲習氣人本性原無此妄。一染習氣以妄爲真。認真爲妄。真妄不辨。苦樂遂分。我佛憫及於斯。以淨土度之。實慈悲普度。無上法門。爾等皈我淨土。須識得蓮臺萬丈。其中門戶萬千。其中層級亦有萬千。只從此一直走去。便

可進堂奧。登上乘地也。

一輪紅日海峯巔。萬里祥雲護大千。好是三吳多善信。
蒲團膜拜。一年年。滿堂梵樂韻悠揚。長奉西那一
瓣香。借問瓣香誰拾得。迦陵雙鳥自飛翔。慈航寶
筏靜相於。得返迷津廿載餘。了卻萬般人我相。黃花
翠竹盡真如。此身舊是阿羅漢。今日新參般若經。
知否拈花有迦葉。西來一笑萬山青。我菩薩悲願
宏開。善緣廣布。世間善男信女。苟識三皈之義。胥邀
再造之恩。爾等三生未昧。五蘊將空。身墮紅塵。心歸

白足能以施利結福德。果能以誦持守清淨心。永念
修途。自求覺岸。一空諸相。非非相。獨拔三途兀兀途。
此日予亭方邂逅。他年樂國共婆娑。我佛氏決不作
謊語也。

我有貝葉經。能使頑石悟性靈。我有蓮花船。能度羣生
來雲巖。有經不知誦。有船不知渡。營營利藪與名場。
終日惛騰如寐寤。三萬六千有盡時。嗟爾衆生何自
苦。清修子。悟虛旨。朝朝誦梵音。時時迂佛使。七尺墮
紅塵。寸心如白水。老僧偶過從。聊與敘心契。寄語人

間學佛人。各除塵障。求全真。一空。色。色。與。相。相。靈。臺。
湛。寂。生。虛。明。一。朝。大。覺。覺。衆。覺。自。覺。覺。他。億。等。倫。且。
須。誦。我。經。黃。花。翠。竹。悟。前。因。且。須。乘。我。舩。徜徉。三。竺。
五。雲。邊。

千潭一月印。千潭都是月。原來天上。只有一箇月。千樹
萬花開。千樹都是花。原來世間。只有一朵花。是花還
是月。是月還是花。卽花亦非花。卽月亦非月。鏡中花。
水中月。花亦鏡。月亦水。畢竟非花。亦非月。拈花指月。
空所得。

人生在世間。白駒馳過隙。忽忽三萬六千日。自少至老。
如梭擲。吁嗟世人不自求。踏遍紅塵春復秋。名。利。
鎖。不。可。破。有。如。貳。負。長。自。囚。一。朝。拋。卻。黃。金。土。脫。手。
空。空。忘。故。我。爲。問。水。月。與。松。風。世。人。那。得。知。其。故。不。
如。執。杖。鞭。從。我。靜。參。禪。禪。機。在。眼。前。千。丈。華。池。五。色。
蓮。蓮。子。復。蓮。心。著。水。不。染。塵。請。君。悟。此。清。淨。意。勝。讀。
楞。嚴。圓。覺。經。老。僧。本。印。虛。空。月。今。朝。飛。錫。來。丈。室。四。
座。栴。檀。間。妙。香。一。堂。袈。裟。皆。殊。質。要。有。江。夏。子。瓊。瑤。
玉。佩。來。相。侍。老。僧。見。之。拍。手。呼。他。年。衣。鉢。遲。君。至。今。

留一偈與君參蓮花開在蓮花水

性光明澈智慧圓通真如妙旨般若靈蹤黃花照耀翠
竹蒙籠箇中真意挹取無窮我有半偈一印虛空了
無色相亦無始終六根清淨三業消融有能如我竺
國相從

性根不昧善果有餘心持般若道契真如滿園趺坐日
居月諸其天浩浩其神與與如雲翔鳥如淵游魚了
無思議何有智愚知其解者於道庶幾

老僧兀坐空山中瞥見東瀛雲氣紅一縷香檀縈太素

千重瑞靄凌高穹。心知此間多舊雨。急呼青鳥來相
從。道逢西竺諸真侶。皆言江夏有黃童。前身本是支
離叟。今日猶留解脫容。并聞南嶽大師至。爲證色色
與空空。兼教看取菩提樹。千年萬年長青蔥。眼前有
景道不得。難從黃鶴追芳蹤。且留數語識邂逅。雪泥
鴻爪何濛濛。

年來行住久無心。披了袈裟度遠岑。會得箇中微妙意。
于今迦葉有嗣音。示某曰。余與子有舊。子知之否。
三生石上。陳迹難尋。五色雲中。良緣猶在。聊贈一詩。

略存三昧。吾無隱爾。居士聞木樨之香。君其知余老僧在金蓮之界。

老僧來西竺。拄杖過山麓。長風吹江雲。須臾雨簌簌。老僧道遇時。迥然悟倚伏。十丈軟紅塵。一榮而一辱。蒼狗變幻多。如雨雲翻覆。借問利名途。幾人完太璞。之子愛清修。自守真面目。身從祇洹來。口誦楞嚴熟。衣褐而茹蔬。淡然常知足。稽首禮空王。長明燈燭煜。團趺習靜淡。寸心如槁木。吁嗟塵網中。芸芸苦局促。未必無遭逢。將如自桎梏。誰與悟如如。之子真如玉。老

僧有一偈。願子日三復。四大本虛空。何來竹樹木。

花雨繽紛。香雲繚繞。我來竺國。下士問道。無我無人。袈

裘披好。留贈十二解如左。來從何處來。去從何處

去。十丈軟紅塵。知來不知去。解一我佛生西方。道並洙

泗尊。能令頑石子。各各返性真。解二江夏有黃童。能證

我宗風。剛趺學枯坐。亦復悟空空。解三邇來尤習靜。六

時勤修省。拈花獻空王。已奉西慈命。解四西慈命若何。

羣真誦彌陀。中有迦陵鳥。和鳴盼庭柯。解五老僧素好

道。寸心涵衆妙。飛錫來過從。鸞鶴同長嘯。解六長嘯聲

未止。白足聯翩至。問渠何自來。云見彌陀使。

七

老僧

爲彼言。余亦適渠家。欲觀維摩室。天女散瓊花。

八

入

門果清絕。撲鼻聞檀屑。長揖浮邱公。師道于今立。

九

公顧爲余說。余弟能禮佛。曾蒙諸真人。許登極樂國。

十 吁嗟塵世間。迺復見斯人。松風與水月。浩然自在

身。

十一

老僧有性情。與君同空明。他年三竺國。聯襟

偕君行。

十二

飯衣佛。飯衣法。飯衣僧。何謂佛。無物通衆物。何謂法。無

法妙衆法。何謂僧。無生度衆生。眼前生衆參斯旨。竺

國祇林指日至。莫道竺國遙。方寸湛寂。瞿曇相邀。莫道祇林近。我佛慈悲。只怕人間名利相營競。普願善信人。各各返性真。會悟倘有時。同超最上乘。

雪。山。山。下。會。羣。仙。無。數。僧。僚。拜。舞。便。七。寶。莊。嚴。香。世。界。萬。花。供。養。佛。因。緣。此。生。須。了。前。生。事。有。法。原。從。無。法。傳。苦。海。茫。茫。誰。渡。得。牟。尼。一。串。是。蓮。船。世。皆。以。清。靜。寂。滅。爲。非。道。噫。此。非。知。道。者。也。三。教。一。理。能。以。清。淨。居。其。心。寂。滅。除。其。欲。方。寸。之。中。寂。然。不。動。湛。然。常。清。悟。色。空。之。義。諦。色。卽。是。空。證。因。印。之。菩。提。因。無。非。

印一塵不染。無樹無臺。萬象胥融。卽花卽月。看眼底。
鳶飛魚躍。拈來盡是。化機任山。中花放水。流悟得無。
非眞宰。聖賢主靜。以立功。仙佛觀空。而成化。本非此。
界彼疆。安用出奴入主。必以清淨爲非。則物感往來。
何由擺脫。必以寂滅爲非。則世緣擾攘。安得祛除。是。
皆坐井之觀。難免拘墟之誚。喜居士讀聖賢書。能了。
萬緣於半偈。與老僧論仙佛旨。同參三教於一堂。
性光昭徹。智慧圓通。除諸障礙。得大妙融。超超元著。落。
落。宗卽心。卽佛。無始無終。老僧得力。趺坐觀空。神。

不。動。而。自。諸。法。如。義。乃。謂。之。如。來。卽。中。國。聖。人。寂。然。
不。動。感。而。遂。通。之。功。德。也。蓮。花。五。色。七。寶。莊。嚴。言。人。
心。所。自。有。者。也。福。德。果。報。言。人。學。業。精。進。自。有。以。證。
虛。自。虛。以。證。有。也。本。無。者。妄。也。非。我。者。暫。而。不。可。久。
者。也。固。有。者。正。也。久。而。能。安。者。也。無。所。本。無。有。所。固。
有。福。德。之。謂。也。花。果。結。業。至。成。實。原。因。栽。培。得。所。然。
不。能。使。桃。核。下。種。開。見。梅。杏。之。花。稻。黍。下。種。結。成。菽。
麥。之。實。其。本。乎。素。者。然。也。誦。經。念。佛。思。成。佛。果。擁。護。
蓮。花。日。日。如。是。堅。持。不。懈。卽。是。下。成。佛。之。果。於。福。德。

田中耕耘不怠。佛果漸成。果報之謂也。生衆認著。拂子頭。是何物。看來。下拂子。是何事。想來。圈拂子。是何故。說來。說不容說。想不容想。看又看什麼來。呌。一脚踏去。雙拳豎起。萬年花發。鼻尖向下。香歸何處。又曰。江風浩浩。海水滔滔。一篙獨倚中流。自在。又曰。穆然自妙。恬然自得。中發清香。蓮開五色。又曰。風來自東。月白西川。光風霽月。坐汝一簾。

杏雨柳煙。曾幾時。又見黃華重九天。看人間孩提未脫。朱顏粉面各爭妍。又幾時。霜侵兩鬢歎華顛。年不待。

人人自待。待何年。只望見磷磷邱石。鬱鬱松楸。贏得
一箇土饅頭。何苦將白日堂堂閒逐去。到盡時。兩手
空空。黑室幽聽此言。太覺愁。只得打圓拂子。倚杖看
江流。嘻。子等奉道。不過欲於道門中。尋出一種榮樂
境地來。所謂騎鶴纏腰並得也。不知吾道甚苦。苦中
極樂。不易令人知。不易與人得。不得則苦。能得則樂。
苦是暫。是假樂。是久是真。千言萬語。原難喚人回頭。
我菩薩具大慈悲。不以不回頭而惜齒牙之論。命我
爲子。等重宣真諦。急度急度。蓮舟在眼。人自不能登。

耳。豈彼岸之遙哉。嘻。子等非其時。雖言不知。雖知不爲。胷中橫著萬斛塵。如何解得。

念佛非口頭念念不已也。念時佛。不念時亦佛。坐時佛。臥時佛。夢寐時亦無非佛。心心頂住。心心降下。不頂不降。空空地如立千仞峯頭。毫無住處。儼見佛光接引。卽金臂提攜時候也。頑念無益。不頑念又何益。從頑念始。不頑念終。到大地。冰散。火輪盡。化金蓮。千佛委土。黍米裝成。世界天地有壞時。我身無壞時。豈非人世間大豪傑哉。

阿彌陀佛。見得也。無見卽非佛。說得也。無說卽非佛。說不得。見不得。念什麼來。不念卽佛。念念眞佛。念念眞佛。念念非佛。念佛者誰。彼佛又誰。佛本無相。佛本無色。無色無相。將何所見。旣無所見。著恁處。念念旣無著。念亦非念。非念之念。卽是眞念。爾等念佛。是口內念出去的。還是心裏念出去的。口內念出去。佛將舍我色身而去矣。心裏念出去。佛將離我心意而去矣。或曰。我之念佛。是口內念進去的。亦是心裏念進去的。口內念進去。所進固何淺深。心裏念進去。所入更

在何地。願慧業之士。爲我詳說之。我便拉破袈裟。化作萬種蓮花。飛向兜率天去也。

欲知此段大因由。富貴功名一筆勾。埋却斬蛟周處劍。放來露地雪山牛。橫吹鐵笛隨方走。倒跨銀驢著處游。浩浩春風吹不斷。布帆穩便度瀛洲。示某曰。爾當淡視諸緣。屏息雜念。一切行住坐臥。苦樂順逆。不得放失此心。凡靜中所見善惡境緣。皆由思念不正。故只瞑目靜坐。自然意順境流。當睡便睡。一覺便醒。起來抖擻精神。摩挲兩眼。咬定牙關。捏緊拳頭。專心正。

念切切。惻惻心。在何處。道在何處。到水窮。山盡時。忽然疑團迸出。頓見自家一種本性。彌陀便已有得。一片花飛春盡路。夏秋風景竟如何。冬來三日多陰雨。老去幾年落愛河。轉轉青瞳追熱鬧。蕭蕭白髮歎蹉跎。空拳放下須留意。回首西風發浩歌。

生等知念佛有法否。只一佛字。向心內看著。心中有佛否。心外有佛否。看得心中。有佛。心外有佛。復看到心中。無佛。心外無佛。至中外不分。連看也。俱忘此時。便是極樂世界。此在覺照得之。否則口頭佛。於爾何干。

涉。拂。子。打。空。處。蒲。團。安。樂。時。請。君。放。眼。看。得。失。寸。心。知。

連朝溽暑蒸煩熱。倏忽清風吹八極。飄蕭微雨數聲殘。
雲氣模糊月光黑。道人兀坐空山中。瞥見祥光東海
東。驚訊此間是何物。報道江夏有黃童。一塵不染心
如水。朝朝禮佛送佛使。西竺羣真並過從。諸天花葉
滿江埃。道人拊掌下蓬萊。金鸞玉霓同表裏。瞬息千
山萬山過。直向維摩丈室來。一鑪香篆重簾度。裊裊
清機微可悟。迢然佳弟來相從。元龍意氣雄今古。翻

翻四座羅羣英。東南竹箭世所珍。迺知醉翁門下士。
鷗鷺襟。逖無凡情。道人見之啟齒笑。衛君談道人絕
倒。邇時共證明鏡臺。能超六根涵衆妙。道人擬贈玉
與金。不如一言貽知音。松風水月兩義諦。天鷲淵魚
一道心。願君卽此日三復。方寸曇花吐芬馥。會心原
不在多言。道人歸向空山宿。

我佛始無所始。終無所終。心與道無襍。道與法無爲。法
何在。法空空。空何在。空法法。法以清靜得其宗。空以
湛虛得其旨。此心湛然。則斯道坦然。斯道坦然。則萬

法浩然心有所宅。馳於物則出迷於所向。亦不能入。此心出入。此心之動靜主之。亦此心之虛實主之。虛從實處。下手實處皆虛。實從虛處。立脚虛處皆實。虛處實四大皆得實處。虛四大皆空。我佛虛空設教。實從實功做起。于實見得到。卽于虛悟得透。實功浩浩落落無阻無礙。虛境空空蕩蕩無我無人。生衆喻斯義蘊否。

爾等於佛門宗旨。漸得一空字。夫空非收視返聽。墮聰黜明之謂也。天地間事事物物皆有自然一種道理。

能。以。我。與。而。不。以。我。與。身。入。其。中。心。游。其。外。如。雲。在。霄。舒。卷。自。如。如。水。隨。風。流。行。自。在。無。復。有。人。意。膠。擾。芥。蒂。於。其。間。所。以。謂。之。空。能。空。其。所。空。到。太。空。非。空。地。位。便。可。游。於。真。空。之。宇。而。要。其。得。力。仍。在。實。地。處。確。確。鑿。鑿。認。定。這。箇。樁。子。併。心。壹。志。趕。走。上。去。切。莫。先。說。了。虛。空。粉。碎。轉。忘。却。大。地。平。沉。也。儒。言。無。適。莫。釋。言。無。罣。碍。義。本。同。歸。爾。等。能。從。實。處。求。空。從。空。處。得。實。卽。以。般。若。至。波。羅。蜜。無。難。也。

示某曰。子深於禪者也。今有一偈。子可參之。夕照落西

山從何入東海。

答云深溪海底行逆上扶桑外

深溪句有領會逆字

誤。余爲轉一語。知出卽知入。子能解否。

答云亦無出亦無入豎起

拳頭便

得了。是出入何著。到轉處便圓了。果是硬著

拳頭。管他出入悠悠。凡胡明朝問起。唐捐這裏關頭。

子其知否。佛指空空。了無著相。庭前柏樹子。卽四大

皆空道理。天風浩浩。海水滔滔。任著麼高舸大船。都

付與他春水。一篙曾何記。爾之刀刀。

示某曰。子有病。今有真秘與子。曰空曰散曰樂。維散能

空。維空能樂。維樂無病。卽病亦樂。所謂小病身閒卽

是仙。仙人樂處在空閒。此語煞宜玩味。并有常服方
與子。南無阿彌陀佛。是大醫王。是大補精氣神聖藥。
是大開肝胃鬱結仙品。須知念佛要忘我。忘我乃忘
身。忘身久之。并至忘忘。忘忘地位。佛與我混合爲
一。無我。無佛。無佛。無我。乃得真佛。乃得真我。真我既
得。本體堅貞。精氣神三寶常團結不散。豈復有陰陽
寒暑之沴。入而爲病患哉。知之寶之。

楊枝一滴灑尊前。化作慈雲徧大千。省識大千無一物。
如來座下湧金蓮。余自桃塢學道數十年。以元門

妙旨悟禪家空旨。略識三乘之精。得除六根之障。於
象教微有會心。君等亦知我佛乎。我佛以慈悲爲念。
利濟爲務。天地所生成。我佛輔之。天地所缺陷。我佛
補之。普泛慈航。偕登覺岸。竭恒河沙數生。衆作一家。
眷屬。心情大哉。廣乎仁道。充初宇宙間也。世有以利
己爲心者。卽是佛門。蠱賊世有以利物爲心者。卽是
佛氏。子孫能作事盡真機。舉念皆生意。久久圓滿。無
人無我。同歸化宇。則我佛普度之願。得君等益徧滿。
三千大千世界矣。

鐵槌花發焰鑪中。一指彈開四象空。雪山露地牧牛回。
跳出五行火正紅。拂子頭。五雲紅。芒鞋底。五蘊空。打
撒乾坤。劃斷五行。真否假否。諸法祖一思來。下杖坐。
諸生聽者。動中有覺。知所止靜。中有覺復。其初覺無。
所覺虛。更虛。千潭一月印。如如。又曰。來從何處來。去
從何處去。住從何處住。曾力於斯者解否。更下一轉
語。來無所來。去無所去。住無所住。這事因緣。鶴飛天。
外龍化春潭。當如是觀。咦。拂子頭有什麼來。睜著眼
看。呖。金言六字是慈航。濟度羣生到彼岸。又曰。堅忍。

爲懷。清純爲操。凜乎如臨淵。恪乎如履冰。一撒手。下
深巖。茫無攀援。咦。這事從頭難細說。任看圓月掛鄰
牆。呷。桂子落空庭。秋風香自生。寶光滿室。眞果千年
涵。虛葆有萬物。皆備來者。卽可與往者。莫相追。

寶珠一粒在壺中。擎出當頭萬有空。色相頓忘無爾我。
總持靜念是眞宗。○人生世上夢也。夢中說夢。人情
也。唯夢中能自說夢。却不知說之時。仍是夢。知說之
時。是夢。又不知知之者。之。仍是夢也。哈哈。諸君皆明
理。明中之暗。却最難明。何也。愈明愈暗。愈覺愈迷。皓

首無脫此黑山障也。我今欲破此障。只將爾眼光墮地時看。去。幾人收拾得來。否。唵。普明山上。月高懸。鶴唳聲中。瞥地時。可省得否。

谷簾先生遺書卷之七

谷簾先生遺書卷之八

邑後學秦立與參氏編次

玉版錄

原夫道之由來尚矣。自軒皇問道於崆峒。廣成子得長生之訣。而道始權輿。歷唐虞三代聖人。守危微之訓。以執厥中。至周之末。太上授道德五千言於關尹子。而道於是大傳。迨漢有伯陽魏公。廬陽董公。青霞楊公。及我鍾離師。師傳心法於余。余傳於遼之劉海蟾。劉傳宋張紫陽。張傳石杏林。石傳薛紫賢。薛傳陳泥

九。陳傳白紫清。蕭紫虛。祇此一。中。遞相指授。超凡入聖。自在人爲。勿謂古今人不相及焉。

示某曰。爾習元功。須知釋門談實。本亦從空。空空實實。曾幾許。洗伐否。仰首枝頭鳥。嚙綠。俯看潭底虎。奔威。吓。是甚麼光景。午酉。咦。是何處留得這箇吓。◎纔是頂上光。亦不是光。會得麼。勉爾修持。當圖把臂。

瞳瞳旭景東方明。混混海潮日下生。初看摩盪如吞吐。忽覩曙色明寰瀛。身騎白鶴游將遍。手捧丹書誰與賡。知從離照爲起伏。底向坎月問虧盈。盈虧有定原。

無定起伏。無爭却有爭。勘破三關。除六慾。乘風徑向蓬萊行。

道乃強名。丹豈有象。然畢竟有箇著落。吾一言以告之。曰性與氣。其功用。在鍊心。心寧性見。心寂氣凝。見得性命。凝得神氣。後天學力。深純。先天渾元。團聚。始而磨礪之。繼而脩持之。終而溫養之。陽見陰消。君子道長矣。

子等從儒求元。請以儒家言證元。經曰。欲正其心。先誠其意。此是神仙無上口訣。孟子曰。存其心。養其性。此。

是修。士溫養工夫。朱子謂心要在腔子裏。吾再以二
字註明之。曰靜。曰觀。靜時有觀。觀時必靜。行住坐臥。
一刻不離此靜。一刻不離此觀。靜到無靜。觀到無觀。
身中陰濁盡消。性中元神盡現。直上蓮臺。又何難焉。
靜觀二義。能于二六時中。常常不漏。誠入聖梯航也。天
下唯真者可以消偽。偽者何邪。識妄是也。邪妄日
熾。真意日微。世人認妄爲真。不知是識神造害。因而
煉之。使成形象。形象既成。有如失教之徒。但知喫飯
穿衣。不能通達道理。蓋初基未築。結成凡胎。故也。靜

原缺

見利欲見功名見否。爾等從此悟入。外感相投。冰解
雪消。工夫自臻上。乘丹從真際。燒來熟果向虛中。證
處圓。可悟得否。

庚嶺有隱士。蓬島多仙家。朝誦黃庭經。夕烹紫芽茶。披
雲鍊瓠液。坐月翫秋華。忽駕鸞與鶴。不辭邇及遐。願
言靜修子。同采山中花。○空山寂靜中。來往無人徑。
枯坐到三更。清虛開幽景。龜蛇各抱中。猿馬咸歸阱。
萬象涵空明。止水同澄鏡。塊然此形骸。何須形贈影。
○清宵寂無事。嘿坐守黃寧。守嘿心自洞。圓月呈清

冥。嬰。兒。同。姪。女。會。合。全。其。形。形。全。神。氣。結。窈。渺。入。虛。
靈。朗。朗。太。空。間。蓬。頂。相。經。行。

示某曰。昔爲爾說丹從眞際燒來熟。現造此境。果向虛
中證處圓。此語尙須參悟。此心唯虛故靈。要使一燈
常照。萬象皆空。譬之浮雲盡散。皓魄獨懸。方是圓明
究境。唳雪從爐底凝。成玉人向蓬萊頂上行。

月爲天上常明鏡。心是身中不夜燈。安得庾塵三斗盡。
水晶簾閣玉壺冰。○我道與儒釋。是一是二。總以此三
子頭上立脚。方寸地中生活。天下萬般事。都無眞處。

唯此一點靈光分得天地父母無始以來真實不壞之物舍是別求謬以千里所願大衆急急猛省斬絕諸妄截斷衆流於濁波中擎出一顆明珠於大海中撈著一隻金針千辛萬苦保護勿失我必現身前來與爾把臂登紫府也。

雲暗山遙心不驚。往來舊路認分明。但憑方寸消塵翳。月印中州萬里清。人心之靈氣是爲真。香心竅所發之光是爲靈。花靈花與天地並存。終古不落。香隨花盛亦終古不滅。若與俗混淆。真光覺性漸次銷散。

此花此香。無自發露。便與身俱沒。世人棄此固有之
真物。而務假合之虛器。百年之後。真者全失。假者亦
亾。豈不兩喪。尋我真有一。得永得牢。守勿失。是在學
道者。

天有斗星。星分九炁。人有寸心。心具七竅。炁宰天上。竅
隱身中。一旋一轉。天與人通。欬邪斗仄。鼻暗心蒙。截
斷萬有。金鏡昭宣。明燈異彩。寶鼎祥烟。浮浮氣上。吸
吸精含。寶珠晃耀。琉璃玲瓏。金枝玉葉。根蟠蒼穹。是
爲大丹。是爲真鑪。鑪火隱隱。躍出金魚丹砂。色色飛。

上太虛太虛無象太虛無名無象無名卽道卽心唯
心唯道無二無二乃見真心乃見真一真一之中是
爲至中至中之中是爲至一千秋萬歲不變不易
有客山中未穩眠中宵蹶起對爐煙爐煙不識閒非是
領取真香思邈然○余初一空江漁父也朝種胡麻
以奉飢腹夕掉扁舟以樂煙霞本無出塵離俗之思
亦無入塵潤俗之迹晚隱天台四明間以全所好歸
真以後遂得朝金闕案璠書與上界仙真游處豈有
他哉維能守一點靈光也此一點靈光於父母未生

前得來於父母。既生後。具足爾等。欲見此靈光。中夜兀坐時。樓開月白。直向毘羅頂上。還爾億劫前光明妙相。便得真際。這光明的是何物。是玉清聖光。上清真光。太清道光。天得之以清。地得之以寧。人得之以靈者。聖人教人習靜於夜半時。端坐從頂門開逗一綫靈光。直到兜率天宮。三清境界。萬象森羅。華嚴法藏。如來三十二相。相相具足。是大自在。地是大自在。光返之。此身不過還所固有。並非益所本無。逐逐外緣埋沒過去。良可惜也。

我道無奇庸近爲奇。我言無得平中爲得。得無所得一
空爲得。空不盡空。實不盡實。卽實卽空。還空還實。無
空無實。是爲眞實。明月一樓。江流九折。風雲會合。空
洞元室。知乎弗知。看夜半爐香。涵太清中有毘羅。燕
那。各。各。稽。首。

三教無二旨。歸根屬一家。佛氏明心見性。卽元門復命。
還丹之訣。今亦不必參禪偈。守丹書直下去。是了。坐
坐坐。莫忘却這箇。守守守。莫遺却這箇。金丸打下。黃
梅落鼻。峯拂去。雀橋行。撒手莫空回。到家須認清。

太極○一○無極○之體耶。學道人多於此夾襍。或著
有。或著無。種種障礙。今示爾等偈曰。山山有水。水中
有舟。剝節雕心。弗維常流。有一元龜。耳之無聲。視之
無形。養在咸池。百日而靈。他日有悟得者否。

一炁入壺中。還丹九轉功。三華森聚頂。五岳許追蹤。
余從衡陽來。承五老帝君法語。謂爾大眾嗜好不常。
六賊狀真。遂亾本性。雖誦法言。與聞正教。耳食不知
味。良可憫惜。余今普示大眾。眼前身心所好。皆吾性
命。蝨賊愛河橫逆。慾海滔天。急須躍出火坑。方許復

爾清淨自然。金剛不壞身也。某年近古稀。宜加猛省。明月一庭。春花將綻。寶珠宮前。莫令暗落。尋得方得。稍失卽無拾處。

星榆歷歷最分明。鶴翅橫空興不勝。我欲直擎海月去。一拳打破水晶燈。煉性之道。在觀息間見功效。息之道。通天地。貫陰陽。天地陰陽同此一息。晦明日月息也。古今往來息也。無極生太極。太極生兩儀。兩儀生四象。四象生八卦。以及六十四卦。窮通往復。亦息也。天地得之以恆久。陰陽得之以消長。人生得之以

噓吸。噓吸三十六關。要在死生門戶辨之。某性通二
造。氣貫諸炁。水火金木之朝元。固自廿餘年積修得
來。唯水火交煉。須收視返聽。以噓吸引入天門。而用
全力以爐錘之。然後氣與精融。精與神結。飄搖霄漢。
來往自如。時而入於兔。毫莫載之域。時而出於龍蟠。
不盡之區。所謂龍虎大丹也。尙其進求之。

丹書一帙。細論評。大道由來。強立名。火向卦爻。分進退。
光於晦。朔驗虧盈。苦心不憚。披金筭。隻眼憑誰認。玉
京會得無言。舍至妙。飄飄萬里御風行。○意原於心。

而成於性。故有真心。乃有真性。有真性。乃有真意。此意。謂之先天。一意。夫先天物象未形。不露朕兆。安得有意。當靜坐時。一心洞然。元朗無渣滓。無智識。卽是先天性體。從此空中逗出一點真意。如太極一箇陰陽。於此孕伏羲一畫儀象。於此生。故謂之先天。一意。以之配水火。引鉛汞。用無不靈。丹道之成。以此。如張紫陽意爲媒說。尙是脫略也。

調劑之功。全在升降。升降之法。全在靜觀。靜不終靜。靜中有動。有動非動。造化轉旋。觀不執觀。觀中有覺。有

覺非覺。靈明恍惚。靜而後觀。觀而能靜。是謂靜觀。當此之時。鼎虛而藥實。水剛而火柔。一烹一煉。一噓一吸。皆與天地同元化。日月同運行。陰陽同消長。四時同次序。從有入無。謂之黍珠。從無入有。謂之陽神。工夫至此。形神俱化時也。

元關一竅。微妙難知。以爲在內。不在內。以爲在外。不在外。中庸曰。喜怒哀樂之未發。謂之中。發而皆中節。謂之和。未發非元關也。既發非元關也。元關在將發未發。忽發之際。略先一息。便非略後一息。亦非元關在

人如石中火。電中光。捉摸不著。唯靜之。又靜寂之。又寂元之。又元空之。又空方見得此竅。此乃真心真性。真精真神真氣所自出。而元關爲之機括。邵子曰。一陽初動處。萬物未生時。此內有一元關。頃刻不見。須急尋之。蓋元關一竅。諸聖諸仙。從明心見性時。提出兩字。以教學者。使從針鋒上。打一筋斗。電光中。落一註脚。仙家分身化氣出水入火。上天下地。千變萬化。皆從此得來。打得筋斗轉。落得註脚實。變化出心。幽顯唯我。無難事矣。

妙理原從午夜求。三星照耀元靈脩。千年大藥休輕棄。
要覓還丹在頂頭。示某曰。頑坐做工夫。僅一時將心
捉住。無用也。唯調息一法。尙可行持。其外河車運動
且緩。要知捉心有病。養心去病。靜心無病也。又曰。人
身口耳眼鼻皆壞心之斧。眼耳鼻主入入則心盡。口
主出出則心驚。常能閉眼塞耳絕鼻自然六欲不生。
心長清靜而口亦從此可嘿。此凝真妙訣也。

不信循環日月忙。久將萬事付滄浪。三年低首尋元竅。
一笑軒眉學道裝。欲挈衆聾聞法鼓。好從漁父問慈

航化城卽在人間世。何用迷津歎渺茫。元始一炁。統三成。一。無有差別。儒門曰天命之性。釋氏曰本來面目。道家曰象帝之先。有物混成。同此炁也。理卽流行其中。崇儒者能於五經四子中求其炁。參釋者能於三國祕典內探其炁。運於身。行於脈。通乎天地。而彌綸無外。入於黍米。而退藏無迹。聖賢可希。仙佛可成。爾等拚著死工夫。尋這活門路。到得七覺飛元。而開化之聖願克慰。豈非莫大因緣。今贈爾等偈曰。靜時不是動時。非動靜兩頭。一息微。此處若能打過去。

清微許爾一同歸。

靜中消息動中探。動靜交持總自然。顛倒坎離成下上。
調和龍虎合坤乾。神居玉鼎凝三寶。香裊金猊透九天。
天悟得此中微妙諦。寸心朗徹見真元。原夫一畫未開。
孰測乾坤之主宰。兩儀迭運。宜窺姤復之機緘。
穿月脇而透天心。聽龍吟而舒虎嘯。此自有其候焉。
不容倖而致也。世俗徒牽文義。罔測高深。烏兔豈是藥材。
鉛汞徒存迹象。買櫝還珠。空羨沉淵之寶。求魚緣木。
何來吞餌之鱗。遂使天上靈符。於茲終祕。人間

丹訣自此空留。登雲有路。難攀步月之梯。彼岸非遙。
枉結迷津之筏。吁嗟已矣。夫復何言。何幸元門真種。
尙留一二薪傳。道德微言。不憚再三尋繹。靈根自具。
思乙乙其若抽。帝載可通。神疊疊其來會。從此動靜。
交待。虛元自守。三關凝聚。化氣化神。四大空虛。忘形。
忘象。靈臺涵一點之光。宵疑圓魄。法體贊三才之化。
晨御長風。旣築基於丹鼎。調變坎離。復采藥於黃房。
配勻龍虎。清如止水。一泓資不涸之源。靜若溪山。五。
嶽葆真形之固。佇看敷衍真經。化雨遍三千法界。闡。

揚正教。香雲護。十二瑤臺。

至道不分陰與陽。大藥無過水與火。古今丹訣幾千篇。
斯旨何人能覷破。欲求真藥入身來。先求方寸無涓
埃。虛極方與神化契。洪爐橐籥片時開。洗心之功密
復密。眞妄分途在毫忽。神光離合本無方。心界空明
豈有迹。朗月孤懸大海東。三山亦在泡影中。冥寂之
中。森萬象。直與元氣浮鴻濛。倏忽靈光通一綫。乾坤
根柢從茲見。安禪何論歲時遷。定性不驚陵谷變。我
昔山中結草。才蒲團枯坐。心神超。但見巖花自開落。

不知人世有昏朝。峭壁千尋插雲起。雲影空濛天似水。祇教老鶴伴幽吟。等閒不許樵跡至。清磬一聲自掩關。天長地久恆如閒。沖霄未就凌風翮。穩守丹爐看大還。六百年來如一瞬。雲自無心水不競。忽蒙元簡授仙班。從此超凡始入聖。索解當前味自諳。要知苦盡終回甘。莫忘個中真口訣。前三三與後三三。

子進陽火三十六。自子至巳爲六陽之數。卽進也。訣云。乾九陽數也。坤六陰數也。乾九之陽起於坤之初六。乾之策三十有六。總計二百一十有六爻。訣云。天關

在於左手。統十二支也。地軸在心。以神數息。行火候也。於左手握子位。以神御氣。一呼起於中極。穿尾闕而升上天池。一吸自天池而降於中極。一呼一吸爲一息。如環無端。文十八。武十八。爲小周天。將神水咽下中極。澆灌嬰兒。得藥一兩。移指捏丑位。行文武呼吸各十八息。咽津一口。移指寅位。行文武呼吸各十八息。咽津一口。移指卯位。行文武呼吸各十八息。咽津一口。木液旺在卯。宜沐浴守城。不行火候。注意規中。洗心滌慮。又行文呼吸十八息。咽津一口。移指辰位。文

武呼吸各十八息。咽津一口。移指巳位。首行武火十二息。咽津一口。又行文火十二息。咽津一口。尾行武火十二息。名曰首尾武。中間文共水八口。名曰陽鉛。八兩。午退陰火二十四。自午至亥爲六陰之數。卽退也。坤六之陰。起於乾之初九。坤之策二十有四。總計一百四十四爻。移指午位。行呼吸武十二。文十二息。咽津一口。移指未位。行呼吸武十二。文十二息。咽津一口。移指申位。首行文火八息。中行武火八息。末行文火八息。咽津一口。申乃西南之鄉。以烹藥也。移指

酉位。行文火十二息。咽津一口。金精旺在酉。宜沐浴。守城一意。規中。行文火十二息。咽津一口。移指戌位。行武十二息。文十二息。咽津一口。移指亥位。行文火八息。咽津一口。行武火八息。咽津一口。末行文火八息。名曰首尾文。中間武。共水八口。名曰陰汞。半斤。凡文武呼吸。任其遲速自然。武火略緊。共水十六口。合爲陰陽平均一斤之數。前降後升。得周天三百六十五度之火候。所謂周天息數。微微度。玉露寒聲。滴滴符真人相傳之至詮也。

鑪鼎二事。原爲初學入門。求水火交凝。坎離會合之法。須知火不降。水自不升。故靜修之功。先在治心。治心之道。先在去欲。欲去則心清。心清則神氣融和。坎離會合。所謂采藥歸壺也。由此日日持行。功脩弗輟。勿緩勿急。所謂火候抽添也。勿忘勿助。孟子養氣之法。卽鍊丹鍊心之要。守此以往。不必閱盡丹書。始得真訣也。

人生在世。常多不如意事。鏡花水月。久久皆空。唯此一盞心燈。斷不可使風花搖動。某元功恆久而陽神未

跨乎閭風。慧光未澈乎五蘊。終欠虛圓境界。宜著力於無無。以全有有。煉金光而歸闢淡。飛空隙而充寰區。蓬山在望。指日可到也。

慧具初生。慾爲之阱。克去己私。復還如鏡。物來常照。事過仍淨。昆侖無相。元始握政。致厥有由。曰定。曰靜。夫脩道者。脩性也。性理不明。萬魔攻擾。意想行識。認爲實際。入之愈深。出之愈苦。將本來面目。湮沒塵緣。俗諦中。良可痛惜。夫性不可執。有亦不可執。無執有。易落俗障。執無易入頑空。須知此性無住也。而未嘗不

住。住。也。而。未。嘗。自。住。人。人。具。足。个。个。圓。全。自。有。生。後。
純。陰。用。事。乃。有。諸。般。色。相。障。隔。於。中。日。漸。增。長。性。光。
鬱。塞。所。以。去。道。日。遠。唯。實。實。體。認。本。性。由。有。法。入。無。
法。由。有。爲。到。無。爲。譬。之。天。邊。日。月。向。爲。雲。霧。沉。霾。今。
則。清。風。捲。退。萬。里。晶。瑩。矣。舍。性。而。曰。脩。吾。未。之。聞。
握。固。凝。神。斗。帳。藏。細。調。呼。吸。合。陰。陽。虛。明。不。掩。先。天。月。
湛。寂。寧。飛。盛。夏。霜。苞。蘊。五。華。成。內。藥。丹。凝。九。轉。謁。虛。
皇。塵。緣。拋。落。三。山。外。嘿。守。心。源。道。體。康。○人。曰。奉。道。
我。曰。道。無。可。奉。人。曰。脩。仙。我。曰。仙。何。用。脩。道。爲。強。名。

仙乃寓言。從那一處下手。從那一時置辦。然則不奉不脩可乎。曰。可有說乎。曰。有。以不奉奉之。以不脩脩之。奉我心。修我心。心奉心。脩而神居焉。神居而道通。而仙成焉。何謂神。曰。無形象。既無形象。則騰升之義。謂何。曰。維無形象。故能騰升。然則神之說。究本之何。所曰。本之太極。太極是何物。結成。曰。太極神也。天有太極而清。人有太極而靈。萬物有太極而生。天地有荒老。太極無荒老。人物有萎謝。太極無萎謝。長生之根。不死之本。奉以此。脩以此。恍惚杳冥。捉摸不著。故。

唯不奉而奉不脩而脩。乃可若預設成意曰我奉之。脩之則神先走於奉之脩之上去欲其居我丹宮不。昏望其來而閉之門也。神既不居水與火隔易之否。象男女不交安有生機故曰道無可奉仙無用脩。惜乎世人不察多以有爲之心害之也。

於此消閒亦天地間於彼消閒亦天地間何處非家何處非道。枕山者滅人跡棲谷者多虎豹閉吾自家門。扃吾自家戶投香爐於海可以鎮蛟龍取白玉於田。得以安鶴鹿心猿不縛而來歸意馬無韁而自順物。

何累於我。我自超於物。卽西極蟠桃。東華金簡。弗羨焉。

十方之士。貴在守真。守真之法。真妄須分。歸真逐妄。無妄非真。離真驚妄。有妄無真。求真無他。唯元唯默。元默守中。見白知黑。白黑能知。惡何自墮。惡非一端。聲色利貨。能斬葛藤。如披雲霧。雲霧不披。天日無路。靈障在心。黑風吹墮。我爲汝來。智慧須開。真香芬馥。靈花滋培。氣與炁結。方寸胚胎。亘古照耀。一點靈臺。諸子喻否。內景工夫。稽諸道藏。汗牛充棟。其要。不外去。

妄存真四字可從我言求之焉

人生三寶精氣與神三寶已壞與鬼爲鄰三寶不壞仙
佛成真須知三寶近在吾身幽元靜嘿呼吸杳冥能
守爾精神氣彌綸如花含露如玉抱貞久之久之心
性光明聖日聖月晃朗金庭永乘寶筏不轉法輪又
修持久迺成天人能求厥旨帝鄉同遵

天命之性人生之根其根既撥枝葉必枯眼前功名富
貴妻子田廬悉皆可忻可羨一朝撒手那一件將得
去那一人替得來閉著眼自想來究竟爲甚由來噫

到不如呆著面。低著頭。做一個學死的人。裝癡的漢。終日嘿嘿。任人呼牛呼馬。混將去。到臘盡時。少多少。呈礙也。嗚呼。世間人。習藏萬卷。未曾識得一個生字。倚馬萬言。未曾會寫一個死字。卽纍纍。綬苦苦。前呼遮道。意氣自雄。未曾知得一個憂字。出圭竇。入蓬樞。挑柴擔水。勞苦難名。未曾尋得一個樂字。不識生字。自然不會寫死字。不知憂字。自然不能尋樂字。古人於甚憂處。獨具得一大樂境界。於未死時。獨掙得一大生地。步此事。豈可獨讓古人。凡我同袍。盍自省焉。

松柏有本性。達人有道因。觀其不動時。和藹總如春。特緣私意蔽。明鏡堆素塵。昕夕勤拂拭。復返我本真。無翳亦無障。斯爲太素人。我觀營營輩。久已失粹純。願言告吾黨。人生如過賓。莫謂可久視。而自戀綺辰。亟求先天旨。大道歸我身。蟠桃會將熟。及爾訂同盟。年華不再。人事徒勞。百年一瞬。萬慮終朝。撒手空行。畢竟兩足踏著什麼。只自向無明山中。觸磕去。豈不可歎。細思此生何者。是我有何者。是我無何。有何無之。事勸世人。莫看得太真。是真非真之處。勸世人莫看。

得。太。實。人。自。受。性。以。來。原。有。一。種。至。實。至。真。的。事。人。
自。不。知。耳。非。不。知。也。世。故。深。天。機。淺。固。有。靈。光。不。復。
少。留。故。也。欲。求。復。之。卽。從。我。言。入。手。可。

聲。在。樹。中。來。未。秋。先。秋。意。披。襟。坐。溪。頭。肺。腑。涼。於。洗。願。
我。諸。同。人。共。領。此。中。味。俗。氛。掃。盡。餘。自。得。性。初。地。
人。苦。溷。入。俗。塵。火。坑。煎。迫。不。能。躍。出。遂。至。焦。頭。爛。額。
不。自。知。惜。此。地。幽。閒。清。靜。靜。坐。閉。門。不。知。塵。世。事。佳。
境。也。然。學。道。人。雖。以。深。山。邃。谷。爲。洞。天。福。地。而。城。市。
能。作。山。林。想。卽。極。煩。惱。地。亦。是。洞。天。福。地。若。居。深。山。

遠谷而猶作入世想。卽仙都亦將成俗境。陶公云。心遠地自偏。此語可翫味也。

冬朝是人天機緘初動時候。學道人當慎密修持。心不妄動。俾天運真妙機關。閉者得開。塞者得通。潛回真氣於一陽來復時。方可保身立命。人生一小天地。余謂何獨人。卽以樹喻之。根莖附地而生。得雨露培養而成。枝葉花果。其後天也。根本條榦。其先天也。枝葉花果之煩盛。因根本條榦之堅實以生。根本條榦之堅實。因陰陽雨露之化育以成。人生始乎血氣精神。

之凝聚。以成五臟百骸。猶樹之根本條榦也。嗣息功名富貴壽考。猶樹之枝葉花果也。人知謀慮嗣息功名富貴壽考。而不知慮及精神血氣臟腑之間。是猶枯樹萎根而望枝葉花果之榮盛也。夫人欲培養血氣精神。先培養心性。心性堅實。精神血氣自然充周。欲心性堅實。必清靜寡欲。寧壹定密。不少散漏。何也。心性人之先天。氣血人之後天。嗣息功名富貴壽考。皆非固有。不容謀畫。若一動。是諸欲境妄想貪求欲火日熾。德水日枯。鮮不賊我真神真命矣。冬朝爲歷

元。余故爲根本之說。以質同袍焉。

某邇日誦文昌大洞真經。有心得否。此經爲元始祕典。上清寶笈。其中微言奧旨。皆與身心性命相融結。還丹九轉。只誦持萬遍得之。汝知之否。虛元神妙。大洞真經。比參同契。編鑄淵深。蕊珠密語。絳闕先型。不著言。擬唯與心凝。誦持萬遍功。逾黃庭攝尸返素。願性通神。圓靈內貯。方智外形。覺華涌現。聖日光明。久之。久之。炁合道成。翩翩若士。朝會上清。汝從此熟復。當有心得。十二城香雲未散。三千年仙果將成。當遲汝。

於蟠桃會上也。

我有金剛杵一根。打開魔網萬千門。何時遞與修真子。
駕海擎來月一輪。此詩解否。我非欲子等證入空元
地。以求清淨法也。然第如眼前終日打滾鬧場中。伊
於何底急省急省。

心與神通。志與命合。心緒一紛。吉神失護。鬼神從而瞰
之矣。志念一雜。善境悉遠。命數因而限之矣。唯守此
心。一塵不染。衆妙自生。佛言福地道曰。洞天只在人
方寸間。蓬萊方丈十洲三島。卽在人七尺身中人。自

外求迷不知返。所以可望不可卽耳。

一九紅日萬古磨。照見歷劫塵沙。看當前烏奔兔逐事。偏賒白髮朱顏。曾幾時。山邱華屋爲誰誇。倒不如。低著頭。下著眼。種一種。不落真花。無春無夏。無秋冬。生長珠宮。爛若霞。○瀛海一盃蓬山一點。收拾葫蘆。拍手笑天涯。打算來。朝風雨。忙莫把。今宵樂事。賒口誦書五車。筆埽廣寒槎。堂堂意氣。都難誇。一指單傳。君記取。萬千年。樂永無差。○真不真假不假。非真非假。幻出一瓣靈花。真光頂上遮。鐵笛獨橫。驢背上爲爾。

指點來。勾漏丹砂。竹當月滿。桂香庭下。坐望玉蟾。駕
五色雲車。

人之功德。莫重於化人愛物。蓋獨善者無以濟衆。賤物
者不體好生。故廣開教法。非下士所能。而勸善之功
可致也。戒殺長齋。非世人所易。而放生之心。宜存也。
是以一元初啟。以開物爲先。混濛旣清。以惜生爲重。
開物者。以善善人之意也。惜生者。推己及物之仁也。
能遵是二者。然後朝眞禮斗。一切神靈。咸爲上達。前
生之業障。旣往之祖宗。可以悉登清淨界矣。

三爵盡兮醉顏酡。懷好音兮勛吾徒。人生百齡不復過。
朱顏白首一刹那。幸努力兮望前途。毋自棄兮憐蹉跎。
儒有人兮佛有徒。中間蓬萊又一科。羣真住兮鎮
鰲波。三花爛兮凌雲柯。借問從之當如何。善修本性
之彌陀。憂有窟兮樂有窩。維人自造理不頗。嘉我徒
兮能觀摩。束身珪璧善濯磨。他年從余游山河。縱橫
大地歸一壺。拍手洪厓同放歌。相攜花底斟紅螺。

人性本清。溺於情則濁。人性本正。陷於私則邪。既濁而
邪。則肝失其主。而木性散。肺失其聚。而金性動。心失

其守而火性炎。腎失其滋而水性流。脾失其固而土性崩。是爲離眞。離眞則魂魄無所收束。故必藉五炁朝元眞種子爲之收魂攝魄。乃能復完其性情。此東華帝君祭煉法所由設也。爾等知此法乎。總之。人之性情以己性情貫之。己之性情以己志氣攝之。若志亂氣散。性迷情漓。不能自度。復何以度人。

○是名太極。渾淪爲度。一氣氤氳爲萬物。母若圓。若方。非器。非數。一實萬分。總歸這箇能參得時。化機在我。普濟人天。幽明布濩。炁炁通津。竅竅引戶。元始靈符。

道由斯布。昔在羅浮。亦曾了悟。揆厥機緘。緘織塵難破。惟有一誠實。能貫互爾等。知否。是生天生地。萬有成。賅四象兩儀。皆從後起。蚩蚩衆生。各以軀命。自生自死於其中。迺有生前死後。人天剖別。我帝君授法元始之天。啟教青元之宇。使羣生億衆。生有自生。死有自死。還得這。渾淪元氣。而生理。生機充塞。天地間。人人可以無死。非無死也。死而得真死。猶生也。余向演祭煉法。今以授爾等。總以仁心爲主。誠意爲本。維仁可以宏大願。惟誠可以格幽冥。得丹則靈存乎。其

人。能。仁。能。誠。亦。丹。之。分。自。今。日。後。保。爾。元。化。之。門。故。
爾。靈。津。之。府。常。令。慈。祥。爲。度。不。遺。一。物。於。生。前。庶。幾。
道。濟。有。功。永。攝。萬。靈。於。身。後。

天。有。五。行。人。有。五。臟。性。有。五。常。五。常。是。正。五。臟。皆。安。五。
行。寧。定。五。性。咸。康。人。失。五。性。五。行。顛。倒。五。臟。亦。傾。嗜。
慾。擾。於。中。精。神。疲。於。外。筋。骸。血。脈。消。鑠。於。不。知。不。覺。
之。中。疾。病。叢。生。皆。由。自。取。乃。謂。疾。疫。死。亡。實。四。時。不。
正。之。氣。所。致。且。妄。稱。鬼。神。以。擬。種。種。疾。病。良。可。憫。笑。
人。能。常。正。其。性。四。時。五。行。皆。與。五。性。流。通。安。得。有。不。

正之氣感之成病。邪鬼妄纏之說。尤爲不經。吾性既正。神鬼欽崇。一切邪魔。遠避不暇。安能爲我祟。學道人亦思所以存養其性心耳矣。

却病之方。禪門有之曰止觀。元門有之曰規中。其實一而二。二而一者也。斷除煩惱心。剷盡利名想。一心貫注。萬感不生。天君泰而四體自和。元神守而五臟咸適。有以填先天之不足。有以固後天而不虧。成真證果。亦所不難。何論去病。一語贈君。當記取。養生端合。

灌三田。

打死南山虎。攫將北海龍。求生無別法。學死便長生。此
吾道第一義。諱不但區區却疾之謂。一切唯心造。今
將治心法。與爾等受持。便無病患。以心治心。以心視
心。心欲生。卽是身死之路。心能死。卽是身生之道。能
以真制妄。俾妄念全祛。真元永固。復何病之有。蓋妄
念者。無明之火也。無始之情也。情慾內熾。火始燎原。
而欲以草木之品。滋榮其血脈。難矣。

肺質屬金。居清華府。得水則潤。得火則鑠。心爲火藏。中
有真水。真水如油。真火如燈。得油則明。無油則滅。油

能長繼。燈自長明。腎爲水庫。金以生之。近火則乾。火烈則沸。肝爲木位。得水則滋。得金則削。脾屬中土。化生萬物。火以煖之。燥不長物。水以澤之。濕亦壞物。胃並屬土。一陽一陰。一剛一柔。納化消長。皆賴乎此。須有常度。無少失宜。蓋人身以心爲主。心能知止。火氣不升。水常浸灌。木得條達。金亦安居上位。不受剋制。土能靜守中和。養育萬物。日隨氣血流行。循環無滯。豈復有疾病之患。所以古人治心爲要也。病有藥方。心亦有藥物。以心攻心。以心補心。以心散心。以心斂

心。以。心。養。心。以。心。護。心。以。心。持。心。以。心。觀。心。皆。治。心。
法。卽。皆。治。病。法。能。如。是。心。中。藥。物。皆。降。火。培。元。養。陰。
和。氣。之。品。不。如。是。草。木。之。根。豈。及。爐。中。真。品。哉。余。嘗
有。句。云。流。水。隨。消。長。浮。雲。任。往。還。此。心。能。似。此。血。脈。
自。循。環。此。意。可。微。參。也。

凡。人。皆。欲。了。生。死。不。能。了。生。焉。能。了。死。欲。了。生。死。先。了。
此。心。欲。了。此。心。先。了。意。根。欲。了。意。根。先。了。識。田。人。之。
識。田。從。無。始。來。結。習。所。基。實。與。道。基。相。對。而。生。正。則。
入。於。道。稍。差。卽。入。於。非。道。非。道。色。相。皆。爲。識。田。道。本。

無欲無念無色無相。有相有色有欲有念。皆爲意根。識田破。意根絕。心如止水。湛然淵然。一塵不染。更何物累。道中如陰符黃庭清淨諸經。皆爲人掃識田。意根之經。日誦數過。心界自然明淨。是故欲生先從能死起。死得方能生。得死得十分方能生。到十分所謂生。正念也。所謂死。妄念也。正妄不並立。生。死。不相假。恃眼前耳目手足。心思才力。自謂余如是生。及氣一不到。耳目手足。心思才力。究歸何有。唯絕去。妄念保固。真念德水。浸滋。道風普溥。無夏無秋。無冬無春。無劫。

運。歲。會。之。所。範。圍。是。爲。大。生。是。爲。長。生。諸。君。盍。從。此。
致。力。焉。